

پرورگرام	:	ایم۔ اے۔ کشمیری
سمسٹر	:	ترتیم
کورس کورڈ	:	MKR-C303
کورسک ناو	:	ڈراما
لیکھن وول	:	ڈاکٹر علی محمد ڈار
موضوع	:	ژھائے ڈرامہک تجزیہ

تواریخی ڈرامہن منز چھ موتی لال کیموسند ”ژھائے“ ڈرامہ تہ قابلہ توجہ تہ اکھ اہم ڈرامہ۔ یہ ڈرامہ سپد ”کلچرل اکادمی ہند مالی امداد ستر 1972 عیسوی منز ڈ لایت پرنٹنگ پریس منز چھاپ۔ یہ ڈرامہ تہ چھ کلہن سنز راز ترنگنی منز درج اکس واقعہس پیٹھ لیس راز للتا دتہ ہس ستر وابستہ چھ بنیاد تھاوان۔ راز للتا دتہ چھ کارٹ راز خاندانک اکھ اہم بادشاہ اوسمت۔ للتا دتہ سند دور حمت چھ 724 عیسوی تا 761 عیسوی مانہ یوان۔ للتا دتہ لیس پرتاپ دتہ سند ترتیم نیچواوس چھ کاشرس تواریخس منز بحیثیت اکھ فاتح بادشاہ مشہور۔ اُم سند دور پیتہ اکہ طرفہ کشیر ہنز خوشحالی تہ ترقی ہند دور مانہ یوان تہ چھ یہ دور جنگی مہمن ہند دور تہ مانہ یوان۔ تکر کر شمالس منز تبتس تام، جنوبس منز راشٹر کوٹ تام تہ مشرقس منز کلنگ تام فوج کشی۔ گجرات، کاٹھیاواڑ، مالوہ تہ مارواڑ علاقن تام تہ و اُژتسند فونج ژھٹھ تہ یم علاقہ رلاون پننس سلطنتس ستر۔ سہ رود اُخرس تام جنگی مہمن منز آور۔ کلہن چھ تسندس مرنس متعلق ونان زسہ سپد اُخرس اکس جنگی مہمہ منز رحمت حق۔ اتھ متعلق چھ کلہن سند گف یہ زپنہ اُخری مہمہ پیٹھ دراو للتا دتہ پننن فوج ہتھ ”آریانک“ ناوکس علاقس شمالی طرفس کن پیتہ سہ پننن فوج ہتھ شنہ بڑی گوو۔ کینہہ مورخ چھ بیتہ ونان ز اتھ جنگی مہمہ دوران گوو سہ اکس پہاڑی و تہ پنے فوجہ نش ژھینہ۔ یمہ برونہہ ز دشمن سند فوج بناوہے تس قدر تکر کر خود کشی تہ ہتھ پاٹھر ووت اس بادشاہ سند راحت اند۔ ہتھ پاٹھر چھے تسندس مرنس متعلق یم ز دلیلہ کاشرس تواریخن منز میلان۔

ژھائے ڈرامہس منز چھ کیمو گوڈنچ دلیل یعنی شینہ بڑی گوتھن پنہ ڈرمچ بنیاد بناوان۔ امہ ڈرمہک پلاٹ چھ ہتھ گز ز راز سندس فوجس چھ آریانک دیشش کن حملس نیرن آسان۔ مگر امہ کالہ چھ تھگی کینہہ واقعہ سپدان ز فوجس چھ تشویش سپدان ز کینہہ نتہ کینہہ ناکار چھ سپدان وول۔ گوڈنیتھ چھ یہ سپدان ز راز سندسوار ہوس گچندر چھ متان تہ سہ چھ پرہاسپورس باغن پھنزی پھا کھ کران۔ امی ساتھ چھ شمالہ کنلڈ دارتار کھسان لیس بدشوگون مانہ یوان چھ۔ ترتیم واقعہ چھ یہ ز راز کمار بے پیڈس چھ شتلی نیران۔ یوو واقعہو کنز

چھ فوج ہمہ پیٹھ نیر نہ خاطر پس پیش کران۔ ڈراہمس منز چھ ز کرداریم للتا دتیه سندس فوجس منز آسان چھ۔ ژندر تہ بھوپت۔ ژندر چھ جوان تہ تسند باپتھ چھے یہ گوڈنچ جنگی مہم آسان۔ بھوپت چھ بوڈتہ تجربہ کار پس امہ بروہنہ تہ ترین مہمن ستر شامل سپدمت آسان چھ۔

چنانچہ ہم بدشگون وچھتھ چھے ژندر فی مانج ژندرس جنگس پیٹھ نہ نیر نہ باپتھ ونان۔ تکیا ژتمس چھ اندر خوف ووتلان ز خبر ژندر ییا وارا کار واپس۔ مگر بھوپت چھ تمس ہمیتھ دوان تہ یہ چھس ونان ز راز للتا دتیه ہس چھے دوتایا شکھتی۔ تمس ہیکہ نہ کانہہ تہ دشمن پس پا کرتھ۔ بلکہ یہ سہ زینتھ صحتی سلامت واپس۔ مگر باقی فوجی اہلکار تہ چھ مہم ملتوی کرنی پڑھان۔ شہر کی ڈھکی چھ راز باہیہ اجزی تہ امہ خاطر کران۔ آخرس چھ فاصلہ سپدان ز شہرک ز پیٹھ بودگرو سرگیہ متر ونہ بادشہس تکیا ز تسنز کتھ ہیکہ نہ سہ پھرتھ۔ مگر راز چھ پنس یرادس اٹل۔ سہ چھنہ ہرگز تہ مہم ملتوی کرنی مانان۔ ژندرس تہ چھ چارنا چار تھ مہم ستر نیرن پیوان۔ حالانکہ تمس چھ بھوبت پتر میں مہمن ہندین بادشہن متعلق تھکی کینہہ واقعہ بوزنا واناو یومتلہ یہ ظاہر سپدان چھ ز بادشہس چھے کوستام شکھتی تہ سہ ہیکہ ناممکنس ممکن بناوتھ۔ مثلن سہ چھ ژندرس ونان ز اکہ لٹہ گووکلنگ کس علاقس منز بادشہس ژونٹھ کھینک مارموت تہ یہ علاقہ اوس کشیر پیٹھ ہتہ بدی میلہ دور پیٹہ نہ ژونٹھ گلین ہندکانہہ تہ نیب نشانہ اوس۔ مگر امی ساتھ آو دشمن سند فوجہ منز اکھ فوجی بادشہس ژونٹھ ہیٹھ۔ یا اکہ لٹہ اوس سورے فوج ریگستانس منز پکان۔ فوجس لچ تریش مگر آ بک اوسنہ دور دور تام کانہہ ناوے۔ آخر دیت راز للتا دتیه ہن پنے نیز ستر سیکہ بکھ تہ اور کھوت آب۔ بہر حال میں کتھن پیٹھ کے پہن پڑھ کرنہ باوجود چھ ژندر فوجس ستر مہم پیٹھ نیران۔ آخرس چھ یہ فوج بڈناسازگار حالاتن منز شہنہ صحراون منز ولہ یوان۔ ژندرس چھ کھورن شہہ گڑھان۔ فوج چھ بوچھ ستر مران گری ہسی چھ کھین سورنہ تہ ترکزی اکہ اکہ زودوان۔ وونی چھ ژندر تہ مرنس پران آسان مگر بھوپت چھ تھس ووکھ صورتحالس منز تہ ژندرس راز سنز دوتایا شکھتی پیٹھ پڑھ درراونچ شس کران۔ اٹھی منز چھ راج گروسند ذریعہ ہیٹھ کتھ نیر گڑھان ز بادشاہ سندین دوتایا طاقتن تہ شکھتی یین ہند ڈونڈور اوس تکی وومیت تہ یہ اوس سورے اپڑتہ بوہتانہ۔ مثلن ہیٹھ ژونٹھس متعلق ونہ اوس آمت ز یہ اون دشمن سند کی سپہن سہ اوس بنیادی راج گروہن کشیر پیٹھے پانس ستر نیومت تہ کالنگا ہس منز دیون بادشاہس دشمن سند فوجہ کس اکس قدس اتھ۔ باقی شکھتی یین ہنداپڑ شوشہ تہ اوس تکی تروومت۔ سپہہ سالار ووردھانس چھ راج گروسنز یین حرکتن پیٹھ سخت جہل کھسان تہ سہ چھ تس یہ ونٹھ قتل کران ز تہنز تباہی ہنداصل ذمہ دار چھ سے۔ بھوپت چھ یپارک ژندرس توتہ دلا سہ دوان ز بادشاہ ہا وکانہہ عجوبہ سہ کڈاسہ تیمہ شینہ صحرا و منز۔ مگر تہ چھنہ سپدان کینہہ۔ ہپارک چھ درس فوج شینہ مانین تل گڑھان۔ چھیکرس چھ وردھان بادشاہس قتل کران تہ بھوپت تہ چھ ز ہر

کھیوان۔ اُخرس چُھ ژندر کُنئے زون زندر وزان تہ موسم تہ چُھ بدن ہیوان۔

موتی لال کیموہن چُھ یہ ڈرامہ ملہ تلہ 1966 عیسوی منز لیو کھمت تہ بیتہ چُھ اتھ منز اصلاح کران رودمت۔ یہ ڈرامہ سپڈ گوڈ ریڈیو پیٹھ تہ نشر مگر ریڈیو یابی صورتس اوسس ”بیلا روکھوت“ ناو۔ امہ کس موضوع متعلق چُھ موتی لاکیموسندوننن یہ ز۔

’ژہاے‘ چُھ اکھ ٹریجڈی۔ اکھ سماج ٹریجڈی۔ لیس اعتمادس، شردہا یہ تہ پڑھ پیٹھ زند چُھ روزان۔ موضوع لیجاظہ چُھ یہ از کالج ٹریجڈی۔ یہ ناٹکھ لیکھنہ موکھ پیوومیہ کلہن سنز راج ترنگنی ہندا اکھ شلوکھ آگر بناون۔ للتا دتیہ لیس کشیر پیٹھ فوج ہیتھ دراوگوو آریانک دیش گن شینہ صحراون منز فنا، نتہ مازون زندے چتا یہ پیٹھ پان۔ کلہن چُھ مانان ز راز للتا دتیہ ہس اُس دیوی شکھتی (بالافطری طاقتھ)۔ یمنہ دیوی شکھتی یں پیٹھ لیس از کالس روز زندتس کوس جاے چُھ ٹریجڈی وراے۔‘

ژہاے ڈرامچہ عملہ منز چُھ ابتدا پیٹھ اندس تام ژندر تہ بھوپت ز اہم کردار موجود۔ مگرامہ علاوتہ چُھ اتھ منز کینہہ لوکڑ بڈی کردار شامل۔ یمن منز چُھ ’وردھمان‘ اکھ نمایاں کردار۔ وردھمان چُھ للتا دتیہ سند سینا پتی ڈرامہ کس ابتدا ہس منز چُھ سے متیمتس ہستس قوبو کرنہ نیران۔ سہ تہ چُھ بیمہ راہ ہند ز بیم بدشگون سپدنہ پتہ گڑھ نہ فوج ہمہ پیٹھ نیران۔ مگر سہ چُھ راز سند و وفادار سینا پتی امہ سببہ ہیکہ نہ سہ انکار کرتھ۔ راز ترنگنی منز چُھ اشار کرنہ امت ز راز للتا دتیہ سند کیہنہ فوجی سردار اسی تُمس ستر اندری نفرت کران تکیا ز تم اسی جنگ لڑی لڑی تنگ آمتی۔ ہر گاہ و چھو وردھمان سند ہیتھ ہیو سوچ چُھ ڈرامہ کس دویمس تہ تریمس جسس منز وردھمان سندس کردارس منزے باوتھ لبان۔ خاص پاٹھری بیلا سہ خالس منز پینہ آشنہ منجر کا یہ وچھان چُھ۔ تُمس چُھ منجر کا بڈیمز باسان تہ سہ چُھ تُمس جذباتی اندازس منز ونان ز للتا دتیہ سنز جنگ تریش بیلا ہمہ تیلہ بیہ سہ گر۔ سہ چُھ آشنہ ونان ز ٹکو دز پنڈی زندگی راز سنز خاہشہ چھپتہ تہ پینہ ازدواجی زندگی کرن ملے فراموش۔ وردھمان چُھنہ صرف راج گروہس یوت ماران بلکہ چُھ اُخرس للتا دتیہ ہس تہ قتل کران۔ منجر کا چُھ اکھ و وفادار زنان یوس پننس خاندارس زننہ پوزا کران چُھ۔ خاندارسنز وتہ وچھنہ تہ تسند مسلسل انتظار چُھ تُمس لانہ لیکھتھ۔ منجر کا تہ چُھ نہ اتھ کو وقتس پیٹھ فوجکس جنگی ہمہ پیٹھ نیرنہ کس حقس منز سوچ چُھ تمہ ساتہ بھوپتس روب کران بیلا سہ راز سند بالافطری طاقتک حوالہ دتھ جنگس نیرنس بجامانان چُھ۔ یہ منظر چُھ بیمہ ڈرامہ کیو جذباتی منظر و منزا کھ۔

امہ ڈرامہک اکھ دلچسپ کردار چُھ راز للتا دتیہ۔ ڈرامچہ سارے عملہ ہند بنا چُھ سے۔ وونی گووا گرچہ سہ ڈراما بی عملہ منز اندوند غار موجود چُھ تہ کرتھ تہ چُھ سہ اتھ منز پرتھ ساتہ موجود باسان تہ ٹکرسنز موجودگی چُھ مختلف کردارن ہند یو مکالمودسی برو نہہ کن یوان۔ یو منز چُھ ساری کھوتہ اہم بھوپت۔ اگر ونوز بھوپت چُھ ڈرامہس منز راز للتا دتیہ سنزے آواز غلط گڑھ نہ۔ بھوپت چُھ اکھ تجربہ کار نفر سہ چُھ للتا

دتیہ سند فوجک سپاہ پنچو دون ترین جنگن منرحصہ نیومت آسان چھ۔ سہ چھ لتا دتیہ سند سیٹھاہ ووفادار بلکہ چھس تندس بالافطری طاقنس پیٹھ زبردس یٹھ پڑھ۔ تس چھ پتاز راز حوکم بجا ان چھ نہ صرف تم سند فرض بلکہ تند عمر ہند مقصدتہ۔ سہ زنتہ چھ بادشاہ سند خاطرے۔ تھ دنیہس آمت۔ بھوپت چھ امی شناسی ہند نمایند۔ مگر فرض شناسی چھ تسنز معصومیتک نتیجہ۔ پروفیسر مجید مضمیر چھ اتھ متعلق ونان۔

”مہا ویناش یعنی بڑی تباہی کا منظر بھوپت نے جنگوں میں دیکھا ہے۔ لیکن اُسے معلوم ہے کہ راجا کا حکم ماننا اُس کا فرض ہے۔ کشمیر میں راج محل کی حفاظت اور کشمیر سے باہر راجا کی خبر گیری یہی اُسکی تقدیر میں لکھا ہے۔ بھوت فرض شناسی کا نمائندہ ہے لیکن اُسے معلوم نہیں کہ اُس کی فرض شناسی اس کی معصومیت کا نتیجہ ہے۔ چنانچہ وہ ہر وقت راجا کا دفاع کرتا نظر آتا ہے۔ سیناپتی وردھمان کی بیوی منجر کا اسی لئے اُس پر برس پڑتی ہے۔“

اسہ چھ بھوپت سندی ذریعہ راجہ سند مستحکم برادک پتاہ لگان۔ بلکہ نو اسی چھ راز لتا دتیس بھوپت سنز و نظروے وچھان۔ رازس یوس یوس خوبی چھ۔ یا تم یہ کینہہ کرشمہ ہاؤڈ مٹر چھ تمن چھ اسی بھوپت سنز وے کتھوتلہ بوزان۔ بھوپت چھ ژ ندرس تہ حوصلہ ہراوان۔ بلکہ بیلہ ژ ندرس موج ہمہ ستر نہ گڑھنہ خاطر دبا و تراوان چھ تمہ ساتھ چھ بھوپتے ژ ندر نہ ماجہ ستر یہ وعدہ یقرا کران ژ سہ کر ژ ندرس را چھ تہ امہ حسابہ چھ ژ ندر بھوپت سنز وے ذمہ واری پیٹھ ہمہ ستر نیران۔ امہ پتہ تہ چھ بھوپت ژ ندرس تہ ساتھ تیمارداری کران بیلہ سورے فوج شینہ صحراوس منز ہینہ یوان چھ۔ سہ چھ بار بار ژ ندرس ونان۔ ”سری یہ پروکھٹہ پیہ۔ اسی لبووتھ۔ نلجہ ین وچھان وچھان“ مگر سہ چھس ستی ونان ژ یہ سورے سپد راز لتا دتیہ سند کرشمہ ستر۔ تکیا ز راز چھ سری دیوتا سنز عبادت کران تہ چنن یہ دو تا تراونہ رازس۔ سہ مانہ راز سند ضرور۔ حالانکہ تہ چھنہ سپدان کینہہ تہ۔ وونی چھنہ بھوپتس تہ پنچ کا نہہ تہ و تھ لبہ یوان۔ تکیا ز راج گروہن چھ آسان سار سے سرس فاش کورمت۔ پڑھ چھ آسان اپڑ ثابت سپز مژ۔ اُخرس چھ تمس باسان ز بادشاہ تہ مورگھ، گچیند رہوس تہ مود تہ سورے فوج موکلیوو۔ کھین چین تہ سور یوو تہ سہ ہیکہ نہ وونی ژور سنز را چھ کرتھ۔ یا سہ ہیکہ نہ وونی سہ وعدہ پور کرتھ لیس تمس سنز ماجہ دیت مت آسان چھ۔ امہ سببہ چھ سہ تہ اُخرس ز ہر کھیوان تہ ژ ندر سنز کو چھ منز ز و تراوان۔ بھوپت چھ پڑھ ہند نمایند۔ سہ چھ پرانہ پڑھند تہ ریواتی سوچک کردار۔ اتھ برعکس چھ ژ ندر شکن آورمت۔ سہ چھ جذبہ بجایہ عقلہ کام ہینہ وول۔ ژ ندر چھ نو جوان تہ تھ پاٹھو نا تجربہ کار تکیا ز تمس چھ یہ گوڈ پنچ ہم آسان۔ مگر تمس سند مول چھ گوڈے پڑھی اکہ ہمہ دوران مود مت آسان۔ تہ وونی چھ سہ پنہ نجہ ماجہ ہند گئے کما یہ کل تہ بجرک نکھ ڈو کھ۔ تمس چھ نہ راز سند ین کرشن تہ بالافطری طاقن پیٹھ پڑھ۔ بھوپت سندس صورتس منز پڑھ

تہ ژندرسندس صورتس منز شک تہ بے پڑھی چھہ ڈرامہس منز تضاد پادکران بیمہ ستر عمل برو نہہ پکان چھہ۔ بُنیادی چھہ ڈرامہک اہم کردار ژندر۔ تکیا ز ڈرامہک اصل مسلہ چھہ بی ز ژندریا واپس جنگہ پیٹھ کنہ نہ۔ یائہ بچا کنہ جنگس دوران گڑھ مار۔ تمہ سببہ چھہ وچھن والین یا پرن والین ہندو توجہ ژندرس گئے روزان۔ اُخرس بیتہ ساری مران چھہ تہ چھہ ژندرے یوت گئے زون زندر روزان۔ ڈرامہس منز چھہ ساری کردار تو ہم، لاعلمی تہ غفلتس منز مران مگر صرف چھہ ژندر بیداری ہنز علامت۔ سہ چھہ نہ صرف بیداری ہنز علامتے یوت بلکہ چھہ سہ بحیثیت آئینہ کاک نما بند تہ سہ چھہ المیہ کردار تکیا ز سہ چھہ اُخرس کن۔ تس برو نہہ کنہ چھہ نہ کانہہ تہ فردیس سہ موسم بدلج کتھ ونہ ہے۔ بھوپت اگر ڈرامہس منز یوایت چھہ ژندر چھہ بغاوت۔ بھوپت چھہ ماضی تہ ژندر چھہ حال۔ ژندر چھہ بھوپتس ستر تہ وابستہ تہ تُمس نش جدانہ۔ بھوپت چھہ تُمس سندس دلس منز یقین تہ پڑھ ہندو شیر پادکران۔ شینہ طوفانس منز ییلہ ہر کانہہ موت کس اُخرس منز اکہ اکہ گڑھان چھہ تمہ ساتہ تہ چھہ بھوپت یہ وومید باوان زعائہ ممکن چھہ ژندر روز تہ و قنس تام زندییلہ تا پچھ کرتہ او بر ڈلہ اسمانہ پیٹھ۔ ہر گاہ یہ علامتی معنہ یس منز وچھو۔ پتھ پتھ تہ چھہ پتھ کاک ڈوکھ بلی کینہہ تہ۔ حال ہیکہ نہ زانہہ تہ ماضی نش مکمل پاٹھی دول وٹھ۔ اکہ نتہ پیہ رنگہ چھہ ماضی حالس پیٹھ تھے پاٹھی حاوی روزان۔ پاٹھی بھوپت ژندرس پیٹھ غالب روزان چھہ۔ نوجوان ژندرس چھہ بھوپت اکہ ڈوکھ تہ یو ہے بھوپت چھہ ژندر نہ کو چھہ منز ز تراوان۔ گویا ماضی چھہ اُخرس حالس برو نہہ کنہ ہتھیار تراوان۔ ییلہ تو ہمک او بر ڈولمت چھہ آسان ماضی تہ چھہ فنا سپد مت آسان۔ ماضی یس نش چھہ مستقبلس ہاونہ تہ باونہ با پتھ کھنڑ تہ۔ مگر ستر چھہ حال تہ ماضی یس پننن گدرن ہنن باونہ نش محروم آسان۔

ڈرامہس منز چھہ ہوس اکہ علاو مژ رنگو برو نہہ کن امت۔ ہوس چھہ شجاعتک تہ طاقتک نمائندہ تہ پیہ طریقہ چھہ یہ ہوس راز لٹا دتیہ سند جلاک نمائندہ۔ تکیا ز یہ ہوس چھہ عام ہوس بلکہ چھہ ”گچیندر“ یعنی ہستین ہند بادشاہ۔ یہ چھہ راز لٹا دتیہ سند سوار ہوس تیسس پیٹھ کھستھ تُمس طرفاتن فتوحات حاصل کر متری چھہ۔ اس ہستس تہ رازس درمیان چھہ واریاہ چیز مشترکہ۔ ڈرامہ کس آغازس منز چھہ ہوس بد مست سپدان تہ تُمس قوبو کرنہ خاطر چھہ رنگہ رنگہ ششہ کرنہ یوان۔ تاکہ پر ہاسپور بیہ تباہی نشہ بچاونہ۔ ہس سندی پاٹھی چھہ راز لٹا دتیہ تہ بد مست۔ سہ تہ چھہ جنگن پتھ موت گومت تہ تُمس سند یہ جنگن ہند ہوس تہ ہیکہ تھے پاٹھی تسند سلطنتہ کہ تباہی ہندو جہ پتھ۔ اُخرس پیٹھ تہ چھہ گچیندر ہس سند مران تہ بادشاہ سند مران اکہ اُخرس پتے۔ مرنہ برو نہہ تسنز چکے چھہ اکہ حسابہ لٹا دتیہ سند طاقتور آسنہ باوجود تسنزے بے بسی تہ تسنز واک استعار بنان۔

چنانچہ موتی لال کیموہن چھہ یہ ڈرامہ راز لٹا دتیہ سند دور کس پسہ منظرس منز لیوکھمت تمہ سببہ ہیکو و نٹھ ز یہ ڈرامہ چھہ کینڑھن تواریخی

حقیقتن پیڑھنی مگر امیک مطلب چھنہ یہ ہرگز تہ زموتی لال کیموہس کیاہ چھ مقصد لتا دتیہ ہس متعلق تواریخی زانکاری منز ہریر کرن، یا کلہن سند کانہہ بیان غلط ثابت کرن، تہ نہ چھ محض کلہن سند ڈسی پیش کرنہ آمت تواریخی مواد محض دو ہراون۔ بلکہ چھ سہ تہ تواریخی موادزیر نظر تھاوتھ پنے تخیلہ ستر انسانی صورتحال باونہ خاطر استعمال کران۔ یہ کتھ چھے ملسم ز کیموچھ ڈرامہ نگارنہ زمورخ۔ کیموہن چھ تواریخی پسہ منظر کپہ تہ کینہہ ڈرامہ لیکھی متی۔ مثلن ”نگرووداسی“ اتھ ڈرامہس چھ ژھائے ڈرامہس ستر کینوہن کتھن منز ہشر۔ یمن دوشوئی ڈرامنز چھ عملہ ہندا گراز تہ ہندا فاصلہ تہ امی فاصلح کوتاہی چھے دوشوئی ڈرامہن منز ہند موتک وجہ بنان۔ لتا دتیہ سند چھ قتل سپدان تہ رازانت چھ خودکشی کران۔ اکس منز چھ بریمک تہ توہمک قتل تہ بیس منز بے بسی تہ لاچاری ہند پان مارن۔ وونی گوو دوشوئی درمیان چھ کینہہ پھیر تہ موجود۔ یمن دوشوئی درمیان چھ اہم پھیر تصودمک۔ بقولہ ولیم آچر چھ ڈرامہ ادبس منز وٹھو پوٹھو پاٹھو تریہ قسمکو تصودم آسان۔ گودنیک انسان تہ انسان درمیان۔ دویم انسان تہ فطرتس درمیان تہ ترتیم انسانس تہ بالافطری قوژن درمیان۔ ژھایہ منز چھ مختلف قسمن ہندی تصودم۔ اتھ منز چھ کردار فطرتس ستر تہ برسر یکار، بھوپت تہ ژندرتس صورتس منز پانہ وانی تہ تہ ژندرتس چھ امہ علاواکس اندری کشمشس منز تہ ہینہ آمت۔ امہ قسمک تصودم چھ اکر سے کردار ستر وابستہ پیتہ سہ پتس اوندروٹس ستر متصادم آسان چھ۔ اتھ مقابلہ چھ ”نگرووداسی“ ڈرامہکو کردار دون درین منز باگر تھ پیتہ تم پانہ وانی تصودمس منز آورک چھ یہ زن اکثر جذباتی طربین منز آسان چھ۔ ژھائے ڈرامہ چھ موتی لال کیموسند ”شاہ پاتھر“ نش تہ مختلف یودوے زن دوشوئی ڈرامہن ہنز بنیادی تواریخ چھے۔ شاہ پاتھر ڈرامہس منز چھ لگہ تھیٹرک استعمال کرنہ آمت تہ تمیک پلاٹ چھنہ ژھائے ڈرامہکو پاٹھو اکھ ہموار ارتقالبان تہ نہ چھ تہ سہ طنزیہ لہجہ یس کیموسندین شاہ پاتھر چالہ ہندین اکثر ڈرامہن منزاسی وچھان چھ۔

موتی لال کیموسند بیہ ڈرامہک موضوع چھنہ بظاہر بوڈبار بلکہ چھ اتھ توہم پرستی موضوع بناونہ خاطر تواریخی واقعہ ہک سہارنہ آمت۔ مگر ڈرامہ نگار سنز گرفت چھے ڈرامہ کس خارجی کیوداخلی تصودمس پیڑھ تیر مطبوط زیہ اکھ سیود سادہ عام موضوع چھ معنہ لیجاظ مختلف جہاتن وحاظہ کران۔ ڈرامہ نگارن چھے واقعہ کہ زمانہ موجب ملکن ہنز توہم پرستی بروہنہ کن انی مژیوسہ تمہ زمانہ مروجہ اس۔ مگر یہ توہم پرستی چھے نہ تھی مخصوص زمانس ستر وابستہ گنہان۔ بلکہ چھے یہ پرتھ زمانہ کس فردسند پزر۔ انسان چھ پنے تحفظ باپتھ پڑھن پڑھن ہنز دیوار بندی کران تہ تمہ کس سالیس تلے زندروزن پڑھان۔ مگر موت چھ اٹل تہ سہ بیلہ یوان چھ سہ چھ یہ دیوار ڈتھ نوان۔ یم پڑھ پڑھ تہ عقیدہ چھ محض ژھایہ تہ ژھاین ہنز یم ڈکھ لور ہیکن نہ انسانس زیاد سادہ تھ۔ یم عقیدہ تہ پڑھ پڑھ چھے نہ بھوپتس تہ ژندرتس تہ پوشان۔ بلکہ چھے یم واروار ٹیٹھان۔ ژھائے ڈرامہس منز چھ موتی لال کیموہن یوہے موضوع نمایاں پاٹھو ورتو مت۔ ”ژھائے“

ڈرامہ چھ ”سیا“ ڈرامہس برعکس ایکٹن منز باگراونہ آمت تہ یہ چھ ترین ایکٹن پیٹھ مشتمل۔ یہ ڈرامہ نظر تل تھاوتھ ہی کو اسی ونٹھ زیہ چھ کیموسندگو ڈنیک آلہ بر پورطوالک ڈرامہ۔ تھ منز ریوایتی ڈرامہن ہنز ہش ایکٹ تقسیم چھے۔ مگر یہ ونن تہ گڑھ نہ غلط ز ایکٹ باگرن چھے کینزہا بلوتہ باسان۔ تکیا ز دویمس تہ تریمس ایکٹس درمیان نہ چھے کانہہ خاص منظر بدلی تہ نہ کردار بدلی یا واقعہ بدلی سپدان۔ یہ نظر تل تھاوتھ اگرے اسی تریمس ایکٹس دویمہ ایکٹک و ہراوتہ ونو ویوٹھ گڑھ نہ ہرگز تہ۔

مقصد

ژہاے اکھ تواریخی ڈراما۔

ژہاے ڈرامہچہ پلانچ ویرٹھنے۔

ژہاے ڈرامہچہ فنی خصوصیت۔

ژہاے ڈرامہچہ کردار نگاری۔

مؤختصر سوالات

ژہاے ڈرامہچہ تواریخی اہمیت پیٹھ تراویو تفصیلی گاش؟

ژہاے ڈراما کس مرکزی کردارس کرو ویرٹھنے؟

ژہاے ڈراما کس فنس پیٹھ تراویو تفصیلی روشنی؟

ژہاے ڈرامہچہ کردار نگاری پیٹھ کرو خیالہ باوتھ؟

کتابیات

امرالموہی، موتی لال کیموسنڈ ڈرامہ نگاری، وکھنے تہ ویرٹھنے 1999

پروفیسر مجید مضمیر، کشمیری ڈرامہ اور فلشن، بک میڈیا، سرینگر، 1999

رتن لال شاننت، کاشرس ڈرامہس منز جدید تھ، انہار، ڈرامہ ریوایت تہ تجر بہ، 1999

موتی لال کیمو، زان، ژھارے، دلائیٹ پڑٹنگ پریس، سرینگر 1972
ہری کرشن کول، کاشرس ڈرامہس منز کردار سینہ شناخت، انہار، 1999